

مِنْهَا قِيمٌ كَثِيرَةٌ

دائرة مخصوصه

درسهادته باب عالی جوارنده

محل اداره :

اخطار :

مسئله کمره موافق آثار جدیدیه مع المنونیه
قبول اولنور

درج اینهین آثار اعاده اولنور

دیر، فلسفه، علوم، حقوق، ادبیات و سیاسیات و باطخاص کرم سیاسی و کرم اجتماعی و مدنی احوال و مشورته اسلامیه و بحث ابر و هفته ده بر نشر از انور.

آبونه بدلی

سنه لکی التي آیلنی

ممالک عثمانیه ایچون	۶۵	۳۵	غروش
روسیه	۶۵	۳۰۵	روبله
سائر ممالک اجنبیه	۱۷	۹	فرالقی

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسهادته نسخه سی ۵۰ پاره در

قیرله دن مقوا بورو ایله کوندریلیسه سنوی

۲۰ غروش فضله آلنیر

عدد : ۱۰۰

۲۸ رجب لفرد ۳۲۸ پنجشنبه ۲۲ تموز ۳۲۶

دردنجی جلد

اولدیغندن اسم مقامنه قائم اولمشلردر — س . دنیا به دنیا تسمیه سی
آخرته دنو و قربی بولدیغی، آخرته ده آخرت اطلاق دنیان مؤخر
اولدیغی اچوند — ب . آخرت لفظی قرآنده پک چوق یرده ذکر
اولمشدر ، مراد حیات آخرت و یاخود اعماله مکافات و عقوبت محلی
اولان دار آخرتدر — ع .

ایقان : برشیته تعلق ایدن علمی اوشیدن شک و شبهه یی نفی ایدرک
ایقان ایلکدر — ق س . یقین : واقعه مطابق اول اعتقاددرکه شک
وزوال قبول ایتمز ؛ شو حالده یقین ایکی اعتقاددن مرکبدر ، بری
فلان شینک شویله . . اولدیغی اعتقاد ، دیکری اوشینک بشقه بر
صورتله اولسی ممکن اولدیغی اعتقاددر . اللهه و یوم آخرته ایمانده
یقین ، اعمالده کی آثار یله بیلنور . یوقسه اللهدن حیا ایتمه رک ناسک
حقوقنی اکل ایدوبده بزم روز جزایه علم الیقین اعتقاد و اردر دیان
اهل خداعتک قول مزورلری و طور دسیسه کارانه لری اصلا شایان
التفات دکلددر — ع .



۵ — اولک علی هدی من ربهم و اولک هم المفاحون

انلر [بوصفات حمیده ایله انصاف ایدنلر] ربلرندن [حقلرنده
شایان بیوریلان] هدایت اوزره درلر [حضرت پروردکار انلری انواع
لطف و کریمه پرورده ایدوب تا که جناب اقدس کبریاسنه اهتدا
مرتبه سی اولان شو مرتبه یه ارتقا ایتمشلردر] و [دارینده فوز و]
فلاح بولانلر انلردر [بوفرقة فاضله تحکیمه بیوریلان صفتلری حسینله
شره ، طمع ، جبانته ، هلع ، بخل ، جور ، خشونت کی رذائلدن
بالطبع تزکیه نفس ایتمسارله جقلری و افعال ذمیه و ارتکاب فواحش
و منکرات ایله صنوف شهوات نفسانییه انهما کدن تجنب ایدوب جقلری
کی عاداته و ناس ایله حسن معامله یه متدائر قرآنک فضیلت و عمل
صالح تسمیه ایلدیکی شیرله ده متحلی بولوب جقلرندن البته ایکی جهانده
لطف خاص ربانی ایله ممتاز و سرافراز اولورلر] .

برکت زاده اسماعیل حق

تاریخ اسلامیت

نام مستعار به درقنور « روزی » نیک ترکیبیه مترجم رساله

قارشی ربه

— ۲۴ —

ابوطالب حضرتلری ده پدرلری جناب عبدالمطلب کی شرب
خمر مثللی خیابانی نفسنه تحریم ایتمس و پک چوق مزایا و مفاخر
ایله تمیز ایلش ایدی . رسول اکرم افندیمز حضرتلری حاضنه لری
ام ایمن « رضی الله عنها » یه « سن والده مدن صو کرا بنم والده مسک »
بیوردقلری کی ابوطالب حقلنده بعدالنبوه دخی « پدرم » تعبیری
مکرراً استعمال ایتمشلردر .

وحیداً [قول شریفنده مفرد صیغه سیله ، [انا انزلناه فی لیلته القد]
نظم جلیلنده جمع صیغه سیله ، [کتب علیکم الصیام] آیت کریمه سنده
و امثالنده مالم یسّم فاعله صیغه سیله تعبیر بیورمشدر — ب .



۴ — والذین یؤمنون بما انزل الیک و ما نزل من قبلک و بالآخرة
هم یوقنون

و انلر سکا منزل اولانه و سندن اول منزل اولانلره [یعنی
سکا نازل اولان قرآن و شریعت ایله تورات ، انجیل ، زبور و صحف
انبیا کی سندن اول کذار ایتمس بیغبرانه منزل بتون کتابلره] ایمان
و آخرتی [نشئه اخراک و قوعنی] تیقن ایدرلر [انلرک قلوبی نور
اللهی ایله مستنیر اولدیغندن حیات آخرتی بتون شکوک و اوهامی ازاله
ایدر بر علم قطعی ایله بیلورلر] .

بو ذکر اولان امور ایمان اظهار ایدنلرک هپسی قرآنه اهتدا
ایتمس دکلددر . اره مزده پک چوق کیمسه کوه یرزکه اکا قرآن
ندر دیه سورلسه : [کلام اللهدر بلاشک] دیر . معنایه انک اعمال
و احوالی قرآنه تطبیق ایدلسه کلیاً قرآنه مبین اولدیغی کوریرز .
قرآن غیبتدن نیمه دن کذبدر منع ایدر ؛ حالبوکه اوغیبت ایدر ،
نیمه به سی ایدر . کذبدر صاقتماز . قرآن تفکر و تدبری امر ایدر ؛
حالبوکه او ، الله تعالی نیک حقلرنده [بل هم فی غمره ساهون] بیوردینی
کروه دندر ، کندی مستقبلد و منسوب اولدیغی امتت مستقبلنده
تفکر ایتمز ، آیات و ندری و حوادث و عبری تدبر ایلمز . آیت
کریمه ده ذکر اولان مؤمن موقن اول کیمسه درکه اعمال و اخلاقی
دائماً قرآن ایله تزیین ایدر و قرآنه اهتدا ایدوب ایتمدیکی تین ایتمک اچون
قرآنی معیار اتخا ایدوب اعمال و اخلاقی اکا تطبیق ایدر — ع .
کتب منزله یه اجمالاً ایمان فرض عیندر و تفصیلاً ایله متعبد
بولدیغمز قرآنه تفصیلاً ایمان فرض کفایه در ، زیرا فرض عین
اولسه جرح و مشتته مؤدی اولور و امر معاشی اخلاقی ایدر ، دین
ایسه یسردر ، عسر دکلددر — ق س م .

انزال برشیته اعلادن اسفله نقل ایلمکدر . انزالک معانی یه تعلق
آنی حامل بولنان اعیان و ذواته تعلق واسطه سیله در صحفدن ماعدا
کتب الهیه نیک رسل کرام علیهم الصلاة والسلام حضرتانه نزولی جبریل
اوکتبی جناب اقدس کبریادن تالی روحانی ایله تالی ایلدکن و یاخود
لوح محفوظدن حفظ ایتدکن صکره انی رسل کرامه انزال و القا
ایتمسی صورتیله در ، والله تعالی اعلم — ق س . بو آیت کریمه ده انزال
کلمه سی وحی مناسنده در — ب . انزال لفظی ایله مراد ، جانب رفیع
الوهیتدن ورود ایدوب عباد و وحی اولان ارشاد الهی در . بوکا انزال
تسمیه ایداسی جانب الوهیتده مخلوقینه نسبت ایله علو مکانت بولدیغی
اچونددر . قرآن ، وحیدن ماعدا نعم الهیه یه ده انزال اطلاق ایدوب
[وانزلنا الحدید فیه بأس شدید و منافع للناس] بیورمشدر — ع .
[آخره] لفظی . اولک مقابلی بولنان آخرک تأنیثی در ، نته کیم
دنیا لفظی ادنی نیک تأنیثی در . بو ایکی لفظک دارینده استعمالی غالب

اصل اسمی عبد مناف [۱] اولوب اکبر اولادی اولان طالب ایله [۲] تکفی ایدره اول وجهله اشتهار ایتشیدی . رسول اکرم حضرت تری پیك زیاده سهووب بوتون اولادی فوقده طوتاردی . هنکام طفولیتلرنده یاننده یاتیرر . اطیب طعامی کندیسنه یدیرردی . پدرلری عبدالمطلب ثروتی بوتون اولادی بیتنه انقسامه اوغرامغله ابوطالب وسعت معیشته مالک دکلدی . فقط بوشرف حمایه بی احرازله رسول اکرمی خانه سنه آلمغله مادی ومعنوی برکاته مظهر اولمشیدی . هرايشنده موفقیت نمایان ایدی . دائماً کورردی که اولاد و عیالی ایچون احضار اولنان اطعمه نه قدر آز اولسه محترم برادر زاده سی اشترک ایلدیکی زمان کافه سنی طوبورور ، حتی فضله بیله قالیردی .

ام ایمن رضی الله عنان مروی اولدینی اوزره « رسول اکرم حضرت تری نیک زمان ضباوتلرنده بردعه اولسون آجاق ویا صوسزلندن شکایت ایتدکری کورلمهش ، اکثر اوقانده علی الصباح زمزم شیرین بر ، ایکی یودوم صو ایچهرک اونکله اکتفا ایدر ، کندیسنه بیك تکلیف اولندوقده بن آج دکل دیرنر . ابوطالب مائده سنه حاضر اوللری محضا اونک خاطرینه رعایت مقصدیله وقوع بولورمش . »

ابوطالب حضرت تری نائل اولدینی بوشرف حمایه و کفالتی بعد النبوه دخی محافظه ایدره ک عظیم فدا کارلقلر ایتش ، کندیسی نبوتک اونجی

[۱] روافض طائفه سی « عمران » اولسنی ادعا ایدوب (اناء اصطنی آدم ونوحاً وآل ابراهیم وآل عمران علی العالمین » آیت کریمه سنده « آل عمران » دن مراد آل ابی طالبدر دیرلر . ذاتا بوتون طوائف شیعیه توحیده دائر اشعارینه علاوه ایتدکری احادیث واهیه ایله اسلامیتنه ذاهر اولمشلردر .

حالبوکه اک صو کلابی « علی دین عبدالمطلب » ایدی .

حافظ ابن کثیر رحمه الله دیورکه روافضک ادعای واقعلری ظاهر ابطلانددر . بونلر بو ادعایه جرمت ایتدکری زمان آیت مذکورده مک مابعدی اولان (اذکالت اسراء عمران رب انی نذرت لک مافی بطنی محرراً » نظم جلیلی هیچ نظر مطالعه آلامشلردر . نصل که بردرویشه نماز قلسه ک آدین کیمسه یه جواباً سربورک « لاتقربوا الصلوة واتم سکاری حتی تعلموا ماتقولون » آیت جلیله سنک یالکر باش طرفی اوقومقله اکتفا ایلدیکی سرویدر .

[۲] بوندن باشقه ابوطالبک دها اوچ اوغلی وار ایدی که عقیل وجعفر وعلی رضی الله عنهم حضرت ایدر . هربری مادونسندن اون یاش بو بوکدر . ام هانی وجانه نامنده ایکی قیزی ده واردی . طالب دن ماعداسی قبول اسلامیت ایتشلردر . طالب ایسه بدر وقعه سننده مشرکین طرفنده بولنه رق مقبول اولشدر . عقیلده بدر غزاسنده بولنوب اسیر دوشمش وحضرت عباس طرفندن فدیه سی ویریلهرک تخلص ایدلشدر . حدیبیه وقعه سندن براز اول قبول اسلامیت ایلدی . جناب جعفر که ذوالجناحین عنوائیه معروفدر اسلامیتی قدیم وشانی پک عالی در . دیار حبشه یه هجرت ایدنلرک پیشوازلرننددر .

مدینه یه عودتلی فتح خیر هنکامنه مصادف اولقله رسول اکرم افندی اول قدر فرحناک اولدیله که « هانکیسنه سوینه جکمی بیله میورم . خیرک فتحنه می یوقسه جعفرک قدومنه می ! » بیوردیلر وآنلرندن اوپوب کندیسنی قوجاقلادیلر ومسجد شریف یاننده برخانه تخصیص ایتدیلر .

جمله سنک والده سی فاطمه بنت اسد بنها شمدرکه پک فاضله برقادین ایدی قبول اسلامیت ایدوب بعدالهجره مدینه منوره ده ارتحال ایتشدر . وفاتنده رسول اکرم حضرت تری نعشنه قبص مبارک لرینی الباس ایله بالذات قبرینه یاتیرمش وسینی سؤال ایدنده « ابوطالب دن صو کرا بکا اک زیاده برو شقت ابراز ایدن بوقادین ایدی » . بیورمشلردر . (اسد الغابه) .

سنه سنه قدر معمر اولمش ایدی . بومدت ظرفنده - ایلریده بسط و بیان اولنه جنی اوزره - افندیمر حضرت لری سفهای مکناک تعرضات وتجاوزاتندن مصون بولنورلردی .

حقیقت معروضه بالجمله کتب سیر وتواریخده اسانید صحیحه وونائق صریحه ایله تأیید واثبات ایداش اولقله ثبوتنده اشتباهه امکان یوقدر . بناءً علیه واقف حقایق اولان ارباب مطالعه (دوزی - جودت) تاریخنک محتوی اولدینی اسنادات آتیه بی نظر نفرت واستکراه ایله تلتی ایده جکلری ، مرفقره سنی هذیان محوم قیلندن صایه جکلری امر طبیعیدر .

اتفاق فقها ایله نقل کفرک کفر اولماسنه وتاریخ اسلامیت نام مستعاریه نشر اولنان اثر عرضکارک خیشه نک حرفیاً رد وابطالی مطلوب وملتزم بولنسنه بناءً بومثللی هذیانلری ده بالمجوریه کتابمزه درج ایدیوروز . « ابوطالب سخی بر آدم ایدی . فقط اودرجه فقیر ایدی که عائله سنک حوائج ضروریه سنی تأمین ایدمه یوردی . بناءً علیه محمد « ص . ع » کندی معیشتی تدارک ایتک ، باشنک چاره سنه باقق مجبوریتنده بولندینی کوردی . چوبانلق ایتکه باشلادی . مکهلیرک کچیلرینی وقویونلرینی محافظه ایدیوردی . چوبانلق ایسه عربلرک نظرنده محقر برایشدر . بوجهته چوبانلق اکثر یاقادینلره ، اسیرلره ترک ایدرلردی ، محمد « ص . ع » ک چوبانلقدن آلدینی معاش پک جزئی ایدی . بونک ایچون برواسطه معیشت تأمین ایتک اوزره (سوس) میوه لرینی ذرع ایتکه دخی قویولدی »

برکره اولاد و عیالی اعاشه دن عاجز اولان فقیر بر آدمک حس اولنه حق مرتبه سخاوتی اوله میه جنی آشکاردر . بناءً علیه سخاوتله مدح وستایشه شایان کورولن ابوطالبه درجه نه ایدده فقر وضرورت اسنادی تناقضدن خالی دکلدر .

ثانیاً مشارالیه حقیقه کتب معتبره ده (وکان من حکام قریش وساداتها ومرجهما فی الملهمات) عباره سی اوقومقله در .

ادنا مرتبه فکر وملاحظه صاحبی اولانلر اعتراف ایدرلرکه بالجمله قبائل قریش تزدنده سیادتله معروف ، وقائع مهمه ده مرجع انام اولان برذات وسعت معیشته مالک اولیه بیلیرسده ممکن دکل افقر فقرادن اولهناز . ابوطالبک تجارتله اشتغالی ده معلومدر . آره صره کاربانله سورییه عزیمت ایدردی . حتی سن مبارک لری اون ایکی یه واصل اولدینی هنکامده آرزوی هایونلرینه بناءً رسول اکرم افندیمزی ده برلکده استصحاب ایتشیدی که کتب سیرده تفصیل اولندینی وجهه بوسفرلرنده (بحیرا) نام راهب ایله ملاقات وقوع بولمشدر .

ثالثاً ابوطالب - بونلرک ادعا ایتدیکی کبی - ضرورت فوق العاده ایچنده یانوب قاورولمقله اولسه یدی رسول اکرم حضرت تری نیک حامی مشفق اولان دور اندیش عبدالمطلب بوشرف حمایه کندیلرینه تودیع اولنق خصوصنده عرض ونیازده بولنان زنکین اوغللرینی بر اقرده ابوطالبی ترجیح ایدرمیدی . مشارالیه دها زیاده شفقت وصمیمیت آرامش ایسه ده امر اعاشه واداره نک اهمیتنی اصلا نظر اعتنایه آلمش دکلدی دینله بیلیرمی ؟

حلیه انصاف دن محروم بولنان دوقتور (دوزی) ایله همپارلی اولانلرک عقل ومنطق خارچنده کائن بوفرضیه لری رسول اکرم افندیمزی

عبارت در . چونکه بهائم اینچندہ الٰہ ضعیف و غایت سکونتلی اولان جنس غنمی استرعا ، فصول وازمانہ کورہ اونلری مناسب مرعالره نقل و ماوالرینی تنظیم ایله برابر ذهاب وایابلرنده احوال طیبیه لرینه مراعات وکندی لرینی مؤذباتدن محافظه یه اعتنا ایدن کیمسه نك قلبنده ترحم و تعطف قرار ایده جکشدن سیاست امام ایله اشتغال ایلدیکی زمان حدت طیبیه و ظلم غریزیدن تهذیب نفس ایتمش بولنور . اعدل احوال اوزره ایفای وظائف ، موفق اولور .

ارباب تدقیق و علمای فلسفه و قائل جاریه نك لدنیاتنه و قوفله کسب امتیاز ایدن ذواتدن عبارتدرکه بونلر ظواهر احوال و اخباره دکل ! بلکه هر واقعه نك احتوا ایلدیکی حکم و اسراره بنای حکم ایدرلر . حسن و نیت و ذکا و رویتلری نسبتنده ارشاد انامه موفق اولورلر .

ظاهر بین اولان غرضکارلرک احوالی ایسه بام باشقدردر . اونلر خصم لرنده ولو کندی زعملرنجه نقائصدن معدود برشی بولنجه اونلر انظار عوامده بیولتهرک اغراض فاسده لرینه آلت ایدیزلر .

بوصرده بلغارستان مطبوعات عادیه سنک طوطدقلری مسنک باطلده بو قیلدندر . بلغارلردن سلاح طویلامق مسئله حکیمان سنک تضمن ایلدیکی ادامه سکون و آسایش مقصدعالیسی کبی لدنیات عالییه یاناشمه یورلر ، سلاحسز قاله جق عثمانلی بلغارلرک لدی الایجاب اشقیای چته لرینه معاونت ایدمیه جکینی دوشونهرک قاله ، قلمه آلمسی بادی نکت و خجالت اوله جق تعللات بارده یه صاپیورلر .

ایشته دوزی و همپالری ده کتب سیرده سطحی نظرله کورمش اولدقلری رعی غنم مسئله سنی کنه و حقیقه تی اوزره آکلامغه چالسه . جقلری یرده پایه معالی رسالتی تنزیل خولای باطلنه واسطه قیلمغه یلته نیورلر . بوتون انبیای عظامک احوال ابتدائیه لرنده احیاناً وقوع بولمسی سنت جاریه سبحانیه اولان بوفعلک مشاهده نتایج و آثارندن محروم قالیورلر .

وحررتلری آرتدقجه آرتیورده کمال عقلی و مظهر اولدینی صفت نبوت و رسالتی کوزلری اوکنده پارل پارل پارلامقده بولنسان مآثر و مفاخر بی نهایت اسلامیتله ثابت و محقق اولان ذات رسالتیناهی حقنده محضاً وحی ربانی اثناسنده تجلی ایدن حالت خارقه انبلاخی و عالم ملکوتیه طوغری حصولی ضروری اولان اعتلا و انجذاب و سبیله ایدهرک (حاشا وکلا) جنون اسناد و افتراسنه قدر وارییورلر .

(خذلهم الله واعمی ابصارهم کما اعمی بصائرهم)

آرتق بعنایة الله اخوان دین و ارباب تمکین تماماً آکلامش اولیورکه پیغمبران عظام حقلرنده رعی غنم آحاد ناسک تلبس ایتمکلری جناب وحشت و جهالتدن بالکلیه عاری اولمسی جهته سائرلرده کورولن احواله قابل قیاس دکلدر . بنساء عالیه رعی غنم آیله تعیب اولنسان بر شخص « پیغمبرلرده راعیلک ایتمشدر » دییه مقابلهده بولنه جق اولورسه تأدیبه مستحق اولور . زیرا آنفاً ایضاح اولدینی اوزره انبیای عظامده بر حکمت ساییه بناء وقوع بولان رعی غنم خوارق

حضرتلرینه چوبانلق و میوه فروشاقله صورت عادیهده تأمین معیشته مجبوریت اسناد ایدرک (حاشالله) شان والای رسالتی تنزیل و استخفاف ایتمک غرض فاسدنن ناشی هب اویدورمه شیلر ، مناسبت آلماز بهتانلر اولدینی « چوبانلق ایسه عربلر نزدنده غایت محقر برایش ایدی . بوجهته چوبانلقی اکثریا قادینلره و اسیرلره ترک ایدرلردی » سوزلرینی علاوه ایتمکده تماماً تظاهر ایتمکدهدر .

الحاصل چوبانلقله تأمین معیشت ساحة فضائل برای نبوتدن صد هزار مرتبه اوزاقدردر .

رعی غنم خصوصتک فی الجملة و قوعی مسئله سنه کلنجه کتب سیرده رسول اکرمک رعی غنم ایله اشتغال بیورقلری فجار ثالث ایله حلف الفضول [۳] وقع لرندن اول ذکر اولدینغه نظر آ کندی لرینت هنوز مرهوق بولندقلری صردهده واقع اولدینی آکلاسلامقدهدر . چونکه اووقعلر اثناسنده حضرت رسولک اوزدرت یاشنده بولندقلری مصر جدر .

بر حدیث شریفده شویله وارد اولمشدر . « علیکم بالاسود من ثم الاراک فانه اظیه وانی کنت اجنیه اذ کنت ارعی الغنم قلنا وکیف ترعی الغنم یارسول الله قال نعم ومامن نبی الاوقدر عاها » یعنی ارک آغا جنک میوه لرندن سیاه اولانلرینی ده و شیریکز . چونکه اظیه اودر [بو میوه نك قرارمش و کمال بولمش اولان قسمنه (کبات) دینیر . بو حدیثله خام میوه لرک مضر صحت اولمسی افاده بیورلمشدر] قویونلری رعی ایتمیکم اثناده بنده اونلری ده و شیردم . دیدک که یارسول الله ! سز قویون رعی اشتغال ایتمیکز می ؟ بیوردیلر که اوت ! هر پیغمبر بر مدت رعی غنمله اشتغال ایتمشدر .

دیگر بر حدیث شریفدهده حضرت موسی و حضرت داود کبی ذات رسالتیناهی لرینکده رعی غنم ایله بر مدت اشتغاللری تصریح بیورلمشدر .

هیچ شبهه ایدیله مزکه انبیای عظامک بوندن مقصدلری تأمین معیشت دکلدی . بلکه الهام باری سائقه سیله جماعت بشریه تربیه و اداره سنه دائراً کتساب مالکله پیدای ممارسه کبی استفاده معنویه دن

[۳] « فجار » نامیله مکهلرله تعلق ایدن وقائع درت دفعه وقوع بولمشدر . بونلرک هربری شهر حرانده یا خود داخل حرانده حصوله کلش ویا بوضووتله نتیجه لشمکه تقرب ایتمش اولمغه مجازمه معناسنه اولان نام مذکور ایلمشدر . کتب سیرده تفصیلاتی وارد .

(حلف الفضول) اموال مقصوبه نك استرداد ویا تضمینی حقنده اعمام رسولدن زبیر بن عبدالمطلب دلالتیه عبده بن جدعان خانه سنده معلوم الاسای ذوات بیننده عقد اولنان بر معاهده دن عبارتدرکه اقامه حق و نصرت مظلومه دائر اولمغه اون درت یاشنده اولدقلری حالده رسول اکرم افندیزده بالذات حاضر بولمشدر . حتی بولمزلریله افتخار معرضنده بر حدیث شریفده وارد اولمشدر .

باعث انعقادی عاص بن وائل نام مستبدک برین تاجردن آلمش اولدینی امتعه نك اثمائی تأدیبه ایتمدیکندن مزبورک جبل ابی قبیسه چیقاراق بلند آواز ایله اکابر قریشدن استغاثه و استمداد ایتمشدر .

شرفوقوعندہ زمانہ قدر کچن مدت بیک اوچیوز یکرمی
طقوزسنہ اولمش اولپور .

ازان ہرسنہ بوشب مسعودی ادراک ایدنجه درجہ علویتندن
طولای خاطرات لطیفہایہ نشئہمند اولور . ہلہ اونور مشخص
رساتک برجلوہ لطیفہ غیبیہایہ عزم آسمان ایلسندہکی حکمت وحلاوت
روحانیہی دوشوندیکی زمان مستغرق وجد واستغراق اولور .

جلہ عنایات سبحانیہدن اولمق اوزرہ فروغ معرفت ؛ قلوب
امت محمدیہی جلوہ زارہ دوندیرمکدہ نیرات زاہرہ سمواتہ فائق
برشمعہ روحانی کوستر .

حضرت عبدالقادرک سراج الوہاجندن ترجمہ برائردہ یازیلیرکہ :
اوکیچہ شیخ حرم لاهوت حضرت جبریل ؛ محبوب ادیب الہی
صلی اہ عالیہ وسلم افندمن حضرتترینہ اولان شدت اشتیاقندن ہائم
وحیران اولدینی خالدہ سرای امہانی بہ کلدی [۱]

وجود نازنین رسول الہی فراش استراحت ایچنہ سرلمش ویدہ
قلبی اویانق اولدینی خالدہ کوزلرینی اوقویہ طالمش بولدی . یتاغنک
آیاق اوچندہ طوروب عرض سلام واحترام ایلدکن صکرہ ای بخت
بیداد عالم وعالمیان ، دالینک خواب نوشیندن اویان کہ غنائم فیوضات
الہیہ ؛ سنک ایچون حاضرلاندى . امرناقد مطلقہ سنک ایچون سرارردہ
عظمتسرای قرب ووصال آچلدی . ای یتیم ارب طالب ؛ مواہب
ومطالب سعادت ، طالبک اولان فیاض ازل حضرتلری طرفندن سنک
ایچون ادخار اولندی دہ عرض مرام ایلدی . سیدالکونین افندمن
حضرتلری (یاجبریل الی این) خطابیلہ زویہ کیدیلہ جکئی سوال
بیورنجه ؛ روح الامین (یامحمد ارفع الین من الین) مقدمہ سبیلہ عرض
اطلاعاک رسالتینہی ایتدیکی جواب مدلولنجه (یابی ذیشان ارہدن
سترہی قالیر ، شمدی بن این وجہت بیلمیورم ، زیرا معلوم شریفکدرکہ
ربک تعالی وتقدس زمان ومکاندن منزہ ومقدسدر ؛ بن رسول دیوان
قدم اولدینم خالدہ سنک خدمتکارلرکن اولمق ایچون حضوریکہ
کوندردلم ؛ یامحمد ارادہ ازلہ الہیہنک غایہ شہودی ومقام سعادت عظما
ایچون مشیت ربانیہنک مقصودی سنسین ؛ ہرشی سنک ایچوندر ؛ سن
انجق ذات الہیسی ایچونسین کائناتک نمز ومختاری وپسالہ محبتک
نشوہ سرشاریسین ؛ شجرہ کوندن مقصود اولان ثمرہ شماع وجوہرہ
مظہرہ سنسین ، سن بدر لطائفین ، شمس معارفین ، یوم قیامتہ
ملجاء ہر خائفین ، حکمتخانہ عالم سنک ایچون بسط واصلاح اولوندى ،

[۱] امہانی حضرت علی کرمہ وجہ ورضی اہ عنہ افندمنک ہمشیرہ
یا کیزہ سیدر . سرای امہانینک الآن موقی زیارتکاھدر . مکہ مکرمہ دہ الیوم
دائرہ حکومتک قارشوسندہ رأس منارہ تعبیر اولنان اوج شرفہلی منارہنک
دیبندہدر . الحالہ ہذہ تعظیماً زیارت اولنقدہدرکہ بومنارہ محل مقدسہ علم
اولہرق انشا اولمشدر . تفصیلی مہرات الحرمیندہ وازدر . امام بخاری حضرتلرینک
قتادہ وانس ابن مالک رضی اہ عنہا حضرتانندن روایت ایلدیکی برحدیث شریف
مضموننہ کورہ فخرعام صلی اہ علیہ وسلم افندمن حضرتلرینک اوکیچہ کہبہ
معظمہدہ حطیم دنیلان موضعہ بولندقلری صرہدہ معراج کزین شرف واقع
اولمشدی . بوبادہکی تحالف روایاتی ابن حجر حضرتلری بک کوزل برصورتہ
تالیف ایشدر .

عظیمہی حاوی اولان امیالک ویتیمالک کبی اولنرک حقندہ فضائل
وکلاتدن معدود اولہ بیلیر .



دوزی وھمالرینک رسول اکرم افندمن حضرتلرندہ وقوعی
سروی اولان رعی غم کیفیتنی دہ حقیقتی اوزرہ کلامق ایستہمدکارینی
درمیان ایشیدک . بوندن مقصد یالکنز لدنیات حکمیہ سنی آکلاماش
اولدقلرینی افادہ دکلدہر . چونکہ اولنر بونککہ قالممشلردہر ، اوتامعدن
بو فعلہ مقابل خلقدن اجرت آلمق تزلانی دہ علاوہ ایشملردہر . حتی
بوافترانی ترویج ایچون دوزی جنابلری « مکہ لیلرک کچیلرینی وقویونلرینی
محافظہ ایدیوردی چوبانلقدن الدینی معاش بک جزئی
ایدی دہ ایشک ایچہ قوجہمان یالانلردہ قاتمشدہر .
حالبو کہ رسول اکرم افندمن اون درت ایلہ اون بش یاش آرہسندہ
بولندقلری ہنکامدہ محضا کندی آرزوی وجدانیلریلہ قرباسندن
بعض کیمسہلرک قویونلری رعی اولدینی محلہ بر مدت بولنمشلر .
راعیلرہ معاونت بیورمشلردی . بوکا مقابل کیمسہدن اجرت الدینی
اویدورمہ بر افسانہدر .

نصل کہ (کنت ارعاھا لاهلی بالقراریط) حدیث شریفندہ
بو حقیقت مصرحدر .

[بو « قراریط » تعبیری توہم اولدینی کبی قیراطک جمعی دکل
بلکہ روایت اخراہہ مذکور اولان (اجیاد) نام محل معروفک
عنوان دیکریدر . بونی دہ ابو اسحق حربی وعلامہ ذوفنون ابن الجوزی
وامام ابن ناصر کبی اجلہ عامما تصریح ایشلردہر .

درہم ودینارک جزء معینی (نصف دانق) معناسنہ (قیراط) ک
اوصرہدہ عربلرجه معروف اولماسی دہ بوافادہی تأیید ایشکدہدر [
بالفرض والتقدیر اجرت آلمش اولسہلردہ حضرت موسانک
جناب شعبیلہ اولان معاملہسندہ اولدینی کبی بر محذور عقلی ویا شرعی
استلزام ایچہ جکی لدی الخواص امر آشکاردر .

انبیای عظام امتلرینی تشبث شخصی بہ ارشاد ایچون قبل النبوہ
بویلہ بر طاقم امور مشروحدہ بولنہ بیلیرلر .

فقط دشمنلر سویلہ جک باشقہ سوز ، اسناد ایدہ جک بر تہمت
بولہ یانجه اولنلری دہ آحاد ناسہ قیاسہ یلنہ نیرلر . یاخود دہا بویوک
افترالرہ جرء تلہ ہلاک اولوب کیدرلر .

مناسرتلی اسماعیل حق



معراج شریف مناسبتیلہ

آینہ جمال حق صلی اہ عالیہ وسلم افندمن حضرتلرینک معراج
حقیقت منہاجی ہجرت سنہلرندن برسنہ مقدم شہر جک یکرمی یدنجی
کیچہسی وقوع بولمشدی . یعنی اوراز دان لیلہ اسری ، تنہا نشین
وحدتخانہ خدا اولمشدی . بویلہ مبارکہ بازار اتراسی کیچہسنہ
مصادفدی .